



Оренбургск областьд Урал гол деер, Орск-Халыловск металлургическ комбинатиг усар тасрхан уга теткхин тӧлӧшин боодг кегддӧжӧнӧ. Ирик-ла гидг поселкин ӧӧр, 45 минь-гын киловатт кӱчтӧ электростанцта плотин кегддӧжӧнӧ. Оренбургск совнархозин тосхлтин „Ирикластрой“ управленӧ коллектив. зурагъар кегдх 6 агрегатас 4 агрегатинь болзгаснь урд, эн джил-лин сентябрь сард кӧдллгӧнд орулдж ӧгх болдж даалгъвр авцхав.

Ода зӧвӧр ик кӧдлмш кегд-дж одв. Тосхачнр 300 минь-

гын кубометр джӧблн газр, кӱс-дундур сай кубометр чо-лу малтчкв. Плотина сӱурд 210 миньгын кубометр бетон тӧвгддж одв.

Урал гол боогдв. „Оренбургин тенъгсиг“ дӱӱрглгын эн хавр эклв. 600 сай кубометр усн ода хоршагдчкв. Терӱнӧс талдан эн боодг эргндк колхозмудин болн совхозмудин газрмудиг услх аргъ ӧгхмн.

ЗУРГТ: Бетонщикӱдин нӱӱрлгч бригад (зӱн бийӧснь), Авдей Ильин, бригадир Алексей Сенин, Сергей Миловидов, Гансеев Николай болн Юрий, ГЭС-н плотина зӱн дӧвӱрт бетон тӧвдж эдн хошад норм кӱцӧцхӧнӧ.